

通
前
卷
八
五
九

資治通鑑綱目前編卷之八

明 史官陳仁錫評閱

丙戌



元年

魯公禽父元年

周公旦相王踐阼而治

語詳禮記文

王世子篇

賈傳新書明堂之位曰篤仁而好學多聞而道慎天子疑則問應而不窮者謂之道道者導天子以道者也常立於前是周公也誠立而敢斷輔善而相義者謂之輔輔者輔天子之意者也常立於左是太公也潔廉而切直匡過而諫邪者謂之拂拂者拂天子之過者

學

傳職之篇
無論後世
天子不講
節大臣亦
罕有習其
受者矣

也常立於右、是召公也。博聞強記、捷給而善對者、謂之承承者、承天子之遺忘者也。常立於後、是史佚也。故成王中立聽政、而四聖維之、是以慮無失計、而舉無過事。○傳職篇曰：天子不論於先聖之德、不知君國畜民之道、不見理義之正、不察應事之理、不博古之典、傳不嫻於威儀之數、詩書禮樂無經、天子學業之不法、凡此其屬、太師之任也。古者齊太公職之、天子不姻於親戚、不惠於黎庶、無禮於大臣、不中於刑獄、無經於百官、不哀於喪、不敬於祭、不直於戎事、不信於諸侯、不誠於賞罰、不厚於德、不彊於行、賜予後於左右、近臣、委授於疏遠、卑賤不能慙忿、室慾大行、大禮、大義、大道不從、太師之教、心此其屬、太師

夫子之舉
動無微可
忽矣導者
看懷之哉

之任也。古者魯周公職之，天子處位不端，受
業不敬，教誨諷誦詩書禮樂之，不經不法，不
古言語不序，音聲不中律，將學趨讓進退，卽
席不以禮，登降揖讓無容，視瞻俯仰，周旋無
節，妄咳唾，數顧趨行，得色不比順，隱琴肆瑟，
凡此其屬太保之任也。古者燕召公職之，天
子燕業及其學左右之習，詭詭其師，答遠方諸
侯，遇貴大人，不知大雅之辭，答左右近臣，不
知已誥之適，嫺問小誦之，不博不習，凡此其
屬少師之任也。古者史佚職之，天子居處出
入，不以禮，衣服冠帶，不以制，御器在側，不以
度，雜絲從美，不以章德，小行小禮，小義小道，
凡此之屬少傅之任也。天子居處燕私，安所
易樂而湛，夜漏屏人而數飲酒而醉，食肉而

飽飽而強食，飢而餒，暑而暍，寒而慄，寢而莫
宥，坐而莫恃，行而莫先，莫後，帝自爲開戶，自
取玩好，自執器血，亟顧還面，皿器御之不舉，
不滅，折毀喪傷，凡此之屬，少保之任也。于戚
戈羽之舞，管籥琴瑟之會，號呼謠聲，音不
中律，燕樂雅頌，逆樂之序，凡此其屬，詔王之
任也。不知日月之時節，不知先王之諱，與國
之大器，不知風雨雷電之情，凡此之屬，少史
之任也。○吳氏曰：書所謂位冢宰，正百工，與
詩所謂攝政，皆在成王諒陰之時，非以幼冲
而攝，而其攝也不過位冢宰之位而已。亦非
荀卿所謂攝天子位之事也。三年之喪，二十
五月而畢，方其畢時，周公固未嘗攝，亦非有
七年而後還政之事也。百官總已以聽冢宰。

未知其所從始如殷之高宗已然不特周公
行之此皆論周公者所當先知也○前編曰
按傳稱世子之記則古者教世子其文字禮
節必自有一書世所謂誦習而行之者也成
王勿冲既爲天子又復當喪凡教世子禮樂
之事皆所不可失故抗世子法於伯禽使習
視之然古者大功猶誦况勿冲之年不可以
廢學意讀書誦習亦必使成王親之故周公
作爲文王大明綿以下諸雅述先王之德七
月諸詩極道衣食勤勞之事而召公亦有公
劉卷阿諸詩之作皆所以便誦
習于後免喪因被之管絃云

周公旦追述先王之德作詩進戒

語詳詩大
雅文王篇

周公旦作誥以告召公奭

語詳書君奭篇

史記曰其在成王時召公爲三公自陝以西召公主之自陝以東周公主之成王旣幼周公攝政當國召公疑之作君奭於是召公乃說○大紀曰周公不見知於成王所以敢居外者恃召公爲保爾不然周公其可離成王左右乎故君奭之作在元年而不在亂定之後也○前編曰按君奭之書王氏謂在成王初年今考書中言意率已可見今從胡氏說係於元年之下

夏六月葬武王于畢

王冠

逸周書曰乃歲十有二月王崩于鎬肆于此周周公立相天子周公召公內弭父只外撫諸侯元年夏六月葬武王于畢○汲郡古文曰畢西於豐三十里○肆音四埋棺坎下

家語曰武王崩成王年十有三而嗣立周公居家宰攝政以治天下明年夏六月既葬武王冠成王而朝于祖以見諸侯周公命祝雍作頌曰祝王辭達而已勿多也祝雍辭曰使王近於民遠於侯嚮於時惠於財親賢而任能其頌曰令月吉日王始加元服去王幼志服袞職欽若昊天六合是式率爾祖考永永無極○孟懿子曰天子未冠卽位長亦冠也

○孔子曰古者王世子雖幼其卽位則尊
爲人君人君治成人之事者何冠之有

命周公元子伯禽代就封於魯

史記世家曰周公攝政當國管叔及其羣弟
流言於國曰周公將不利於王周公卒相成
王而使其子伯禽代就封於魯○皇甫謐曰
伯禽以成王元年封○春秋公羊傳曰封魯
以爲周公也周公拜乎前魯公拜乎後曰生
以養周公死以爲周公主然則周公之魯乎
曰不之魯也封魯公以爲周公主然則周公
曷爲不之魯欲天下之一乎周也○書大傳
曰伯禽封于魯周公曰於乎吾與汝族倫吾
文王之爲子也武王之爲弟也今王之爲叔

賢

非周公不
能得此三
人

父也。吾於天下豈卑賤也。豈乏士也。所執質而見者十二。委質而相見者三十。其未執質之士百。我欲盡智得情者千人。而吾僅得三人焉。以正吾身。以定天下。是以敬其見者。則隱者出矣。謹諸。乃以魯而驕人可哉。戶祿之士則可驕也。正身之士。去貴而為賤。去富而為貧。面目黧黑。而不失其所。是以文不滅而章不敗也。慎諸。汝乃以魯國而驕可哉。

管叔及蔡叔霍叔流言周公居東

語詳書金勝篇

越絕書曰。周公以盛德。武王封周公。使傅相成王。成王少。周公臣事之。當是時。賞賜不加於無功。刑罰不加於無罪。天下家給人足。禾麥茂美。使人以時說之。以禮上順天地。澤及

夷狄於是管叔蔡叔不知周公而讒之成王
周公乃辟位出巡狩於邊○朱子曰鄭氏謂
周公遭流言之難避居東都宜從其說向董
叔重辨此一時答之謂從註說後而思之不
然是時三叔方流言於國周公處兄弟骨肉
之間豈應以語言之故遽興師以誅之聖人
氣象大不如此且成王方疑周公周公固不
應不請而自誅之若請之於王王亦未必見
從則當時事勢亦未必然雖曰聖人之心公
平正大區區嫌疑自不必避但辟避堯之子
於南河之南禹避舜之子於陽城自合如此
若居堯之宮逼堯之子卽爲篡矣或又謂成
王疑周公故周公居東不幸成王終不悟不
知周公何以處之愚謂周公亦惟盡其忠誠

全以宗社
為重所見
者大德有
不暇千古
相臣之榜
樣也

學

古文尚書
作辟音必
釋治也與

而已矣。○前編曰：按周公之避，所以必告二公而後行者，以成王尚幼，朝廷之事不可以無所屬也。所以周公居外而朝廷不亂，成王雖疑而外不敢誚者，以有二公在焉。爾微二公，則周家之禍必有出於意料之外者。周公亦不應避小嫌而忘大計矣。甚矣朝廷不可以無人而大臣不可以獨運也。又按朱子集有金縢說，其時與事皆與此不同。此乃朱子晚年與蔡沈之書，當為朱子定論。○或曰：周公居東取易之三百八十四爻，各繫以辭。

軒按：金縢後敘曰：武王既喪，管叔及其羣弟流言於國曰：「公將不利於孺子。」周公乃告二公曰：「我之弗辟，我無以告我先王。」孔傳曰：「辟，法也。謂以法法三叔也。鄭氏則音

避謂避居東都也。二說不同，以故朱子晚年定論，謂宜從鄭氏而蔡氏傳書遂從師說。蓋謂我若不避，則於義有所不盡，無以告先王於地下，必如此解，則周公事君之忠愛、兄之情、全身之智、處變之權，無所不白。要之出於至公至誠之心，而無一毫白便身圖之私也。

丁亥二年王聽政周公居東罪人斯得

語詳書金縢篇

朱子曰：管蔡流言成王疑之，未知罪人之爲誰也。及周公居東二年，成王悟，乃知罪在管蔡也。或問：居東二年，非東征乎？曰：成王方疑周公，豈得卽東征乎？二年猶待罪也。此須以

廣大無我之心觀之若有一毫私吝自惜避
嫌疑之心卽與聖人所爲天地懸隔矣胡氏
家錄有言成王疑周公故周公居東苟成王
而終不悟也則如之何曰成王不悟則王室
必危天下必亂周公能盡其忠誠而已聖人
與天合一笑容心哉○蔡氏曰居東居國之
東也鄭氏謂避居東都未知何
據孔氏以居東爲東征非也

東人喜得見周公作詩美之

語詳詩豳風
及狼跋篇

程子曰周公之處已也夢夢然存恭畏之心
其存誠也蕩蕩然無顧慮之意所以不失其
聖而德音不瑕也○范氏曰神龍或潛或飛
能大能小其變化不測然得而蓄之若犬羊

愼畏也此
凡凡一念
所成就也

然有欲故也唯其可以蓄之是以亦得醢而
食之凡有欲之類莫不可制焉唯聖人無欲
故天地萬物不能易也富貴貧賤死生如寒
暑晝夜相代乎前吾豈有二其心乎哉亦順
受之而已矣周公遠則四國流言近則王不
知而赤舄几几德音不瑕其以此夫○書大
傳曰武王殺紂而繼公子祿父使管叔蔡叔
霍叔監祿父武王死成王幼周公盛養成王
使召公奭爲傳周公身聽天下之政管叔蔡
叔疑周公流言於國曰公將不利於王奄君
薄姑謂祿父曰武王旣死矣今王尚幼周公
見疑矣此百世一時也請舉事然後祿父三
監叛矣

後世之避嫌引退者皆身家念重君國念輕者也

戊子

三年周公居東作詩以貽王

語詳金縢後及幽風鴉鵒篇

前編曰按七月之詩幽之舊詩也周公陳之以備工誦使成王知先公之舊衣食之原序謂遭變時所陳也夫成王方有疑於周公周公方避位居東而顧爲是諄諄幾於強貽者嗟乎此周公忠愛之誠也夫豈以居東而遂忘其君也哉然亦惟居東故可以忠告爾向使居中秉政則成王益深不利之疑雖吐赤心其孰能信之聖人所處其脫然無累之心與其拳拳不已之心竝行不悖然此俱可目矣于後公乃爲詩以貽王名之曰鴉鵒則鴉鵒其最後作也成王之疑亦將釋矣鴉鵒之詩其情危其辭急蓋有以憂武庚之必反王

此論可稱
周公知已

天象

寶

秋大雷風王迎周公于東出

郊雨反風

語詳金
勝後叙

室之必播也夫昔也武庚以周公利權間三
叔今也奄君又以周公見疑嗾武庚則啣蹏
之變勢所必至故周公汲汲爲成王言之其
辭不得不危且急也既而成王悟周公歸管
蔡武庚卒於叛蓋其叅謀造禍非一日矣管
蔡之惑滋甚至是而復畏罪則挾武庚以叛
武庚之謀既深至是復乘機則挾管蔡以叛
也或曰向使成王未悟周公未歸而管蔡武
庚之反已熾則如之何曰周公亦身任其責
力請誅之而已不誅則王室必危天下必亂
周公亦盡其忠誠而已他豈暇顧哉